

西湖志纂卷之九

吳山勝蹟

吳山 在浙江省城鳳山門內名勝志春秋時爲吳南界以別於越故名吳或曰以祠伍子胥訛伍爲吳故郡志亦稱胥山凡城南隅諸山蔓衍相屬總曰吳山而異其名西湖遊覽志天目爲杭州諸山之宗翔舞而東蘊結於鳳凰山其支山左折遂爲吳山秀嶠奇峯帶湖映壑江介海門迴環拱固扶輿淑麗之氣鍾焉是以居民叢集殆百萬餘家

西湖志纂

卷九

一

爲東南都會其陟山之徑有門曰登高覽勝石磴斗折可數百級元平章答剌罕脫歡所斃錢塘縣志胥山因吳人立祠祀子胥故名亦稱伍山舊志云春秋時爲吳南界以別於越故曰吳不知越境至於就李之語兒見越絕書則此山本屬越或曰夫差棲勾踐於會稽時地當屬吳或曰越沼吳後即此山以祀吳太伯伍員故謂吳山說各不同然胥山因子胥得名說見史記其上舊有胥山坊

自吳山折而東迤南至清平山又折而西至雲

居山為吳山南路

英衛公廟 在吳山頂舊名忠清廟俗稱伍公廟

咸淳臨安志神姓伍名員字子胥吳王夫差入越

勾踐使大夫文種行成吳王許之子胥諫不聽賜

屬鏤以死吳人憐之為立祠江上命曰胥山唐元

和十年刺史盧元輔修盧元輔胥山祠銘見藝文景福二年封

惠應侯乾寧四年封吳安王萬歷杭州府志宋贈

廟額曰忠清大中祥符五年海潮衝擊州城詔本

州歲春秋致祭加封英烈王紹興三十年改封忠

西湖志纂

卷九

二

壯侯嘉熙三年海潮大溢京尹趙與權禱於神而

息奉建英衛閣自嘉熙至咸淳間累封忠武英烈

顯聖安福王元封順佑忠孝威惠顯聖王明洪武

四年改稱吳行人伍公之神每歲祭以九月二十

日

國朝雍正三年以神為浙省江海保障

勅封英衛公重修祠宇改稱江神廟乾隆十六年

御題扁額云

靈依素練

東嶽中興觀 在吳山馨如坊俗稱東嶽廟咸淳
臨安志宋大觀中建東嶽行祠紹興間翼以道館
嘉定乙巳始請觀額理宗書東嶽之殿西湖遊覽
志元末燬明景泰間重建

玉樞道院 在東嶽廟左西湖遊覽志俗稱神霄
雷院明天順六年建後圯

國朝雍正九年總督李衛重建

至德觀 在吳山巔俗稱太歲廟西湖遊覽志在
宋渾儀臺側十一曜太歲堂也紹興間建端平三

西湖志纂

卷九

三

年理宗書至德之觀元至正燬渾儀無存行省丞
相達識帖木兒重建構星宿閣明成化甲午火諸
廟皆焚惟茲觀無恙每歲迎勾芒之神於此

有美堂 名勝志在吳山頂宋嘉祐二年龍圖閣
學士梅摯出守杭州仁宗賜以詩有地有湖山美
之句因名其堂歐陽修為記蔡襄書今故址不存

而府治後堂尚仍其名

歐陽修有美堂記見藝文
蘇軾有美堂暴雨詩遊人

脚底一聲雷滿座頑雲撥不開天外黑風吹海立
浙東飛雨過江來十分激灑金尊凸千杖敲鏗羯
鼓催喚起謫仙泉灑
面倒傾蛟室瀉瓊瑰

臣謹按咸淳臨安志有美堂錢氏初建看江亭於此在吳山最高處左江右湖故有湖山之美又蘇軾有九日舟中望見有美堂魯少卿飲處詩又會客有美堂周邠長官泛湖往北山聞堂中歌笑聲見寄和詩夫曰望見曰聞聲則必在吳山可知若州治在鳳凰山去湖稍遠何由見聞耶舊志稱淳祐六年府尹趙與篋發地得古碑於山巔太歲廟側即仁宗賜詩則此堂故址當即其處遊覽志載入鳳凰山失考

惠應廟 在至德觀右俗呼藥王廟西湖遊覽志神張姓相州湯陰人素謹奉神農氏歿而為神凡疹疾瘡瘍有禱輒應宋時祀於汴州南渡後建廟於吳山看江亭額曰惠應咸淳德祐累封王爵兩

西湖志纂

卷九

四

廡祀二十四仙醫相傳佐神農採藥者也

國朝乾隆元年燬三年署總督大學士嵇曾筠飭屬重建

嘉濟廟 在吳山又名江東廟錢塘縣志祀秦顛人石固宋累封王爵給廟額初在崇福里繼徙貢水之東雷岡故稱江東明隆慶三年建

承天靈應觀 在吳山頂俗稱三官廟咸淳臨安志舊為天地水府宋龍德三年建名玉虛觀紹興四年改冲天觀尋燬端平三年重建改今額淳祐

十年增建玉皇閣清波類志內有天開圖畫閣清
暉亭元末燬洪武二十三年重建

國朝乾隆十年重建玉皇閣

關帝廟 在承天觀右

靈濟廟 在關帝廟左錢塘縣志祀唐桑憲保姚

江人行九故俗稱桑九郡王仕唐宣宗時使海昌
卒追封為神宋建炎間助張浚禦金人事聞建廟
明景泰嘉靖間又以治黃河功封王爵歲久圯萬
歷四年重建

西湖志纂

卷九

寶山 在吳山右麓西湖遊覽志東接石佛山蘇軾

同秦仲二子遊寶山詩平明已報百吏散半日來
陪二子閒立鶴低昂煙雨裏行人出沒樹林間又
寶山新開徑詩藤梢橘刺元無路竹杖棕鞋不用
扶風自遠來聞語笑水分流處見江湖回瞻佛國
青螺髻踏遍仙人白玉壺野客
歸時山月上棠梨葉颭暝禽呼

青霞洞 在寶山奇石錯峙作青霞色

忠義廟 在寶山下俗稱施公廟錢塘縣志祀宋

殿前司小校施全全憤秦檜奸邪悞國懷刃刺之
不中磔於市邦人憐之為立廟明成化十一年重
建大理卿夏時正為記

寶奎寺 在寶山頂成化杭州府志宋喬行簡故宅山石奇峭前瞰江流東望海門如在咫尺理宗書見滄二字刻之石後捨宅爲寺元末燬明成化間重建

百法寺 在寶山下石龜巷西湖遊覽志宋建炎初建有大佛半身依山鑿石爲之名廣潤寺元改百法趙孟頫書額元末燬明天順間重建

元妙觀 在石龜巷咸淳臨安志唐時爲紫極宮梁開平二年改真聖觀宋天禧二年徙天慶觀額

西湖志纂

卷九

六

於此西湖遊覽志元改元妙觀觀後有石洞最幽靚又有蕉花極盛花時有仙人題詩蕉葉而去張翥歐陽元揭傒斯皆有真聖觀蕉花訪仙客題詩處詩

子午泉 在元妙觀武林紀事以泉溢於子午二時故名

忠節祠 在寶山下萬歷杭州府志祀吳行人伍員唐僕射褚遂良宋少保岳飛明太傅于謙弘治十年巡按御史姚燾建忠節坊於今祠之右歲久

坊圮嘉靖十二年巡按御史周汝員即坊左建祠
十七年巡按御史傅鳳翔飭有司歲祀以仲秋之
望

國朝乾隆十一年布政司潘思桀捐俸重建

金地山 在吳山南城隍廟在其上俗稱城隍山

城隍廟 在金地山西湖遊覽志宋以前在鳳凰

山紹興九年徙今處額曰永固封保順通惠侯咸

淳間加號輔正康濟廣德顯聖王明洪武三年正

祀典稱城隍之神錢塘縣志成化十年寢殿火十

西湖志纂

卷九

一年重建萬歷四十五年廟燬邑人金學曾倡捐

重建

國朝康熙六年重修

毛際可謁城隍廟詩縱目吳山
江海寬山頭廟貌肅衣冠錦衣

片紙冤何極碧血千年冷未乾古柏陰森蔽紺殿
蒼苔斑駁上雕欄鴟夷夜湧銀濤色長映先生鐵

面山下舊有杭州府城隍廟歲久圯乾隆八年以

右司齋廳改建而以仁和錢塘二縣城隍附祀焉

臣謹按祀典山川城隍之神皆有位號而無姓名
乃錢塘縣志稱永樂中勅封浙江故按察使周新
為城隍神考黃佐周新傳新廣東南海人永樂初
為御史彈劾不避權貴人稱冷面寒鐵及按察浙
江有異政坐誣死臨刑嘆曰生為直臣死為直鬼
吾無憾矣上尋悟其枉他日見有人披朱衣立庭

中問為誰曰周新也上帝以臣剛直命為城隍神為陛下治奸貪吏言訖不見據此則杭民崇祀或出於公心未嘗有勅封明文也然以新之聰明正直生既官於茲土歿則主城隍保障生民捍災禦患誰曰不宜

英濟廟 在金地山城隍廟北祀宋司封郎中兩

浙轉運使張夏 詳南山昭貺廟

國朝加封靜安公

趙恭毅祠 在金地山城隍廟北祀故戶部尚書浙江巡撫趙申喬康熙間以浙江布政使陞任巡撫潔已愛民多惠政卒謚恭毅奉

西湖志纂

卷九

旨入賢良祠民久而不忘乾隆六年建祠祀之

文昌廟 在金地山城隍廟右西湖遊覽志宋嘉熙間建元末時賜號佑文成化祠後燬明初重建

國朝康熙二十五年復燬巡撫金鉉重建

火德廟 在金地山城隍廟南西湖遊覽志宋以

火德王故南渡後建廟於此明洪武永樂間相繼重修今居民禳火者皆就廟中蓋遺俗也錢塘縣

志內有董其昌書坎離既濟額

國朝康熙二十五年重建雍正五年重修

巫峽峯青亭 在火德廟浙江通志廟內有石筍
十二高數丈瓊瓏瘦削如山峯離立各以象名曰
筆架曰香爐曰碁盤曰象鼻曰玉筍曰龜息曰盤
龍曰劍泉曰牛眠曰舞鶴曰鳴鳳曰伏虎舊稱巫
山十二峯上為斗姥閣雍正六年總督李衛建亭
題曰巫峽峯青

瑞石山 在金地山南巖石上鐫米芾書第一山
勅建龍神廟 在瑞石山雍正五年

上遣官賫送龍神像於浙

西湖志纂

卷九

九

勅封福越滋農龍王浙江總督李衛建祠於大觀臺之左
後建風伯雨師亭歲時祈禱於此有司崇祀焉
大觀臺 在瑞石山之頂為吳山最高處石址砥
平方廣如削遠眺江湖近挹湖淶羣山環拱如列
屏幃上為亭恭奉

聖祖仁皇帝御製詩勒石正中

見恭紀
名勝

乾隆十六年三月初二日

聖駕南巡親奉

皇太后鑾輿

臨幸大觀臺

御製恭依

皇祖吳山詩韻詩又

御製吳山大觀歌

見恭紀名勝

臣沈德潛恭和

御製吳山大觀歌元韻

西湖三面名山多我登大觀亭子歌高歌吳山一
峯紫陽頂瓊瓏洞穴疑是千蜂窩青紅金粉徧祠
宇諦視半屬乾陀羅離明有象勢炎赫鎮以坎卦

西湖志纂

卷九

十

高菟菽

以石列坎卦鎮火災也

當年丁仙蛻骨去野鶴冲舉

辭青螺傳聞風清月朗仍到此仙踪荒幻誰嗔呵
其前羅刹之江江外海一氣洶湧真無加叶泚泚
決湔失厓岸倒浸星宿沈羲娥疑是伍員文種之
靈猶鬥戰馳驟白馬驚蛟鼉壯哉千里決雙背心
宵魂礪相盪還相摩枚叔七發語未暢淋淋白鷺
形猶訛題詩青厓終欲磨何如且登大觀亭子歌
高歌

汪王廟

在大觀臺之麓錢塘縣志祀唐節度使

汪華高祖時以保障功封越國公持節歛宣杭越
睦饒六州軍事宋封靈惠公明封廣濟靈惠王

寶蓮山 在瑞石山東西湖遊覽志與七寶山接

舊有寶蓮寺廢又有寶成寺晉天福中建名釋迦

院宋大中祥符改額寶成有石觀音羅漢像石壁

上刻蘇軾寶成院賞牡丹詩筆勢道逸今寺廢而

刻石尚在旁有歲寒松竹四字乃成化間吳東升

題蘇軾詩春風小院却來時壁間惟有使君詩應

窮已花似去年人老矣去年崔護若題詩前度劉郎在千里

西湖志纂

卷九

感花巖 在寶蓮山半清波類志石壁上刻感花

巖三字蓋因坡詩而名也明楚宗朱術珣題

莫能名齋 萬歷杭州府志在寶蓮山宋浙西安

撫司幹辦公事廳四明楊簡有記

青衣洞 在重陽菴後咸淳臨安志相傳昔人行

至洞口有青衣童子問之不應良久入洞逐之不

見但聞風雨聲股栗而出遂名青衣洞

青衣泉 在青衣洞口西湖遊覽志泉浙浙出石

罅清鑑毛髮崖壁鐫有唐開成五年道士諸葛鑑

八分書題名傍鐫佛像及大字心經山頂巨石墜
下有石承之若鉅釘然前有石門上橫石梁壁間
皆細字水波紋不知何年降水至此宋慶元間韓
侂胄賜第寶蓮山下建閱古堂引泉注之名閱古
泉

重陽菴 在金地山之右馨如坊重陽菴志始自
唐開元間道士韓道古結茅以居感青衣童子出
現有泉自洞中出瀦而爲池歲旱不竭元大德間
西川道士冉無爲雲遊至浙觀青衣巖洞募建三

清閣元帝殿嗣天師廣微子書青衣洞天吳山福
地十方大重陽菴十四字刻於石壁明洪武二十
四年立爲道院

紫陽山 與瑞石山連錢塘縣志秀石瓊瓏巖竇
窳窳寒泉滴瀝爲湖山與區其勝跡有採芝巖栽
藥圃滌凡池尋真路成道樹松關補衣石歸雲洞
天籟閣紫竹林三台石紫陽亭丁仙亭坐忘巖隱
仙巖瑞石洞飛來石等名

金星洞 在紫陽山

橐駝峯

在紫陽菴側峯尤奇峭

薩都刺偕卜敬之遊吳山駝峯

紫陽洞詩天風吹我登駝峯大山小石璽瓏赤霞日射紫瑪瑙白露夜滴青芙蓉飄飄雲氣穿石屋石上涼風吹紫竹挂冠何日賦歸來煮石篝燈洞中宿

瑞石洞

在橐駝峯前亦稱紫陽洞傍有巨石嵌

空名飛來石西湖遊覽志舊傳紫陽真人所居因

以名山上有米芾書第一山石刻宋嘉定間郡人

胡傑居此建集慶堂元至元中改為紫陽菴建蓬

萊閣後圯明正統間重建

國朝雍正十三年總督程元章奉

西湖志纂

卷九

三

勅重修因建紫陽祠乾隆十六年春

御題西湖畫冊紫陽洞詩

吳山景已佳仙真洞尤奧紫霞每封戶初陽亦委照

奇境固無窮奚必皆親到清遊悉大畧薄旋從所好

重展北門圖又領西湖要

乾隆二十二年春

聖駕臨幸

御製瑞石古洞詩

恭紀卷之一

丁仙亭

在紫陽菴內仙人丁野鶴蟬脫於此

雪風洞 在紫陽菴右萬歷錢塘縣志峯石靈奇
巖竇幽絕儼若神仙之所宮

紫陽書院 在紫陽山下太廟巷兩浙鹽法志康熙四十二年鹽法道高熊徵捐建書院巡撫張泰交顏曰紫陽別墅以其地為紫陽山麓適與新安之紫陽同名遂以別墅別之其中為樂育堂奉朱子位堂後有簪花閣巢翠亭五雲深處講堂東為近水樓南宮舫瀛洲榭集民商士子於此絃誦焉
雍正七年重修改巢翠亭為文昌閣

西湖志纂

卷九

古

七寶山 在金地山南即三茅觀址清波類志觀舊有七寶故名

七寶峯 在七寶山南錢塘縣志為城中觀濤處石壁刻吳山第一峯五字

開寶仁王寺 在七寶山咸淳臨安志仁王院紹興五年建嘉泰間燬僧祖仁重建端平二年尚方鑄鐘以賜淳祐元年賜開寶仁王額景定五年復燬重建

三茅寧壽觀 在七寶山東北西湖遊覽志本三

茅堂宋紹興二十年因汴都舊額遂名寧壽觀燬於元明洪武初重建

寅賓亭

咸淳臨安志在三茅寧壽觀可見日出

天妃宮

在三茅觀左錢塘縣志即三仙閣址祀

莆田林都檢女靈衛夫人舊名順濟聖妃廟

江湖一覽亭

在七寶山三茅觀西今圯

三仙閣

在三茅觀內錢塘縣志內塑張三丰像

一立一臥一坐相傳三丰隱於此後圯改建天妃廟仍塑三仙像於其內以存舊跡

鍾翠亭

在三茅觀南磴道之上明萬歷間司禮

孫隆建

壽春菴

在七寶山麓萬歷杭州府志舊名寶蓮

院嘉靖中改爲漢壽亭侯祠清波類志內有寶蓮池寶蓮井

定水寺

在七寶山成化杭州府志宋乾道八年

建於萬松嶺嘉定八年移清波門外聚景園側元至元十三年築入城基寺徙今處

通元觀

在七寶山麓西湖遊覽志宋紹興二十

九年內侍劉敖建高宗書通元二字額內有壽域樓萬玉軒望鶴亭謁斗壇白鶴泉鹿泉明嘉靖間道士徐道彰重修觀中修竹蔭庭赤日無暑

國朝康熙二十九年重修

清平山 在七寶山南清波類志翠石稜稜竹木森秀下爲仁孝坊舊有煙霞閣今廢

開元寺 在清平山西湖遊覽志唐開元中建宋建炎間徙於西湖元季兵燹復徙故址

雲居山 在清平山之西南上有雲居寺故名錢

西湖志纂

卷九

六

塘縣志城垠亘其上山頂曰楓嶺寺門對雉堞爲中峯禪師道場

雲居聖水寺 在雲居山西湖遊覽志本二寺也

雲居者宋元祐間僧了元號佛印建聖水者元貞元間僧明本號中峯建明洪武二十四年併聖水於雲居額曰雲居聖水禪寺

國朝康熙五十三年重修

三佛泉 在雲居聖水寺西湖遊覽志元至大間沙門指月掘地四尋得罾井中有古佛三諸相具

足遂塗金事之鄧文原爲泉銘

鐵冶嶺 在七寶山後西湖遊覽志元楊維禎居此自號鐵厓

郭璞井 在鐵冶嶺北錢塘縣志舊傳爲璞所開泉極甘冽居民釀酒煮藥者多汲之

二程子祠 在金剛嶺舊在城西河下

國朝康熙十七年移建於此歲春秋祭

自吳山北迤西至竹園山更折而北過鎮海樓至佑聖觀爲吳山北路

西湖志纂

卷九

七

吳山井 在吳山北麓成化杭州府志周四丈吳

越錢氏時韶國師始開此井品其味爲錢塘第一

宋淳祐丁未大旱城中諸水皆涸獨此井日下萬綆如常都人神之安撫趙與憲奏立祠以旌異之

又爲亭覆其上杭州府志明洪武七年浙東參政

徐本立石表刻吳山第一泉五字紀宋遺事於石表之陰復建亭井上井中有五色大魚數十時出

游泳人不敢取成化甲午亭圯井爲瓦礫填委居民病之七修類藁弘治間參政周木復甃面開五

二年開今以嘉泰二年復出乃知天井之得名以此

黑龍潭 在安樂坊西湖遊覽志天晴時水色碧綠將雨則先一日變黑故名今訛為烏龍潭

水神廟 在寶月山萬歷杭州府志境內多火災民患已久明萬歷二十五年杭民倡議祀水德之神以鎮之布政使趙欽湯允議建廟祀黃河龍君為浙漕祈福開基闢土忽清泉湧出人咸異之遂名金龍泉在廟之右

西湖志纂

卷九

九

蛾眉山 在布政司南東接吳山錢塘縣志與寶月山連彎環若眉故名又與布政司官署對故俗呼官美山又上有宋時糧科院舊稱管米山其側有八眼井

百獅池 在蛾眉山下布政司前西湖遊覽志下有暗溝西通西湖東出水於普濟橋

乾隆十六年三月十二日

聖駕巡幸察視水道遂沿運使河出湧金門回

行宮駐蹕

御製即事詩

水態山光結攬中便途城郭一觀風笙歌正鬧武林

社時清明次日俗為武林社之遊梅石空傳德壽宮柳色含煙蘸波

綠桃花過雨艷春紅吾民樂處吾同樂尚慮餘三有

未充

淺山 在蛾眉山東其側為漾沙坑

螺螄山 在吳山後杭州府志取徑必盤旋曲折

而上故名

竹園山 在府治之西南咸淳臨安志吳山一脈

西湖志纂

卷九

干

獨趨而北隱隱隆起山雖不高為府治之主山

竹山閣 在竹園山成化杭州府志宋臨安尹趙

與憲建閣其上平瞰西湖扁曰竹山閣景定三年

安撫魏克愚徙建他處今為民居

鎮海樓 在吳山下西湖遊覽志舊名朝天門吳

越王錢鏐建元至正間平章康里慶童改名拱北

樓明洪武八年改為來遠樓後行省參政徐本改

名鎮海樓成化十年燬十一年重建吳山志宋元

時貯鐘鼓以司刻漏至今人稱鼓樓

趙孟頫登拱北樓詩城上

高樓接太霞令嚴鐘鼓寂無譁提疆內向三千里
比屋同封百萬家心在江湖存魏闕身隨牛斗泛
星槎舉頭便覺長安
近時倚闌干望日華

望仙橋 咸淳臨安志在德壽宮前

新宮橋 萬歷杭州府志舊名宗陽宮橋

宗陽宮 在新宮橋東西湖遊覽志去吳山東北

五百步宋紹興間望氣者言其地有鬱葱之祥遂

建德壽宮高宗禪位後居之以此宮為北內鑿池

引水壘石為山象飛來峯建冷泉亭規制宏麗咸

淳四年以後圃築道宮曰宗陽浙江通志南關工

西湖志纂

卷九

部分司本宋德壽宮後圃址西有梅花廳芙蓉石

在焉篆曰鐵雲傳是宋德壽宮舊物傍豎斷碑刻

藍瑛畫古梅一本題曰梅石雙清

乾隆十六年春

聖駕巡幸

御製題德壽宮梅石碑詩

臨安半壁苟支撐遺跡披尋感慨生梅石尚能傳德

壽苔華又見說藍瑛宋時苔梅久萎藍瑛畫梅鐫於石一拳雨後猶

餘潤老幹春來不再榮五國風沙埋二帝議和嬉樂

獨何情

佑聖觀 在宗陽宮後西湖遊覽志宋孝宗潛邸也淳熙二年改為佑聖宮以奉北極佑聖真君元大德七年燬重建改為佑聖觀蘇伯衡為記趙孟頫書於石有洗竹亭七葉坡夢雲樓馭鶴臺吹笙石諸勝元季兵火此觀獨存浙江通志

萬壽龍牌康熙五十二年

欽頒道藏供奉殿內

西湖志纂

卷九

三

天一井 在佑聖觀內西湖遊覽志元道士王景周開東園以居即今錢塘公館是也有泉廿冽異常以所得開元宮浴鵠池八稜石欄置其上名天一泉石欄上刻虞集天一泉銘

臣謹按西湖遊覽志敘勝蹟而及城闔者以其地為南北諸山之分脈也宋時於朝天門北去吳山五百步謂有鬱葱之祥建德壽宮為北內嗣改為宗陽宮宮後即孝宗潛邸嗣改為佑聖觀隱隱賑賑吳山之脈直趨於此故仍遊覽志敘為吳山北路之殿云